

Na osnovu člana 21. Statuta ASOCIJACIJE TRENERA I UČITELJA SKIJANJA BiH – ATUS BiH (u daljem tekstu ATUS BiH), Sarajevo, Titova 9a, u smislu osposobljavanja i stručnog usavršavanja kadrova za obavljanje stručnih poslova u skijanju i snowboard-u, Izvršni odbor ATUS-a BiH donosi

PRAVILNIK O OCJENJIVAČKOJ KOMISIJI

Član 1.

Ovim pravilnikom određuju se način i oblasti djelovanja Ocjenjivačke komisije kao i načini i uslovi za izbor članova Ocjenjivačke komisije (u daljem tekstu OK).

RAD OCJENJIVAČKE KOMISIJE

Član 2.

Zadatak OK je da na terenu u toku praktičnog dijela ispita za sticanje zvanja u skijanju i snowboard-u izvrši ocjenjivanje svih učesnika i elemenata praktičnog dijela ispita za sticanje zvanja u skijanju i snowboard-u.

Član 3.

Svaki član komisije nezavisno i samostalno vrši ocjenjivanje svakog elementa praktičnog ispita, i ocjenu upisuje u za to predviđen obrazac.

Tokom ocjenjivanja članovi OK moraju se nalaziti na mjestu odakle imaju dovoljnu preglednost na stazu ili dio staze na kojoj se vrši prikaz elemenata praktičnog ispita.

Istovremeno, članovi OK moraju biti na dovoljnom rastojanju, među sobom, koje obezbjeđuje nezavisnost svakog člana OK u toku ocjenjivanja. Ovo podrazumijeva nepostojanje radne veze ili drugog oblika veze među članovima OK.

Članovi OK tokom svog rada vezu među sobom i sa tehničkim vodstvom ostvaruju preko lica zaduženog za to ili predsjednika OK.

Član 4.

Konačna ocjena svakog elementa praktičnog ispita predstavlja srednju vrijednost ocjena svih članova OK za dati element.

Svi ocjenjivački obrasci sa upisanim ocjenama moraju biti potpisani od strane Predsjednika OK i člana OK čije ocjene su upisane u dati obrazac.

Član 5.

Svaki član OK ima pravo na nadoknadu troškova i dnevnicu u skladu sa pravilima predviđenim raspisom seminara.

IZBOR ČLANOVA OCJENJIVAČKE KOMISIJE

Član 6.

OK je sastavljena od najmanje 3(tri) člana.

Član 7.

U posebnim slučajevima članovi OK mogu biti i ocjenjivači iz drugih, inostranih, skijaških i snowboard organizacija, ukoliko posjeduju potrebno zvanje.

Član 8.

Izbor članova OK se vrši glasanjem članova IO ATUS-a BiH. Kandidate predlažu organizaciono tijelo seminara i sami članovi IO ATUS-a BiH. Jedan od članova OK se proglašava Predsjednikom OK.

Svi pomenuti izbori se vrše prostom većinom glasova.

Član 9.

Zadaci Predsjednika OK su vezani za usaglašavanje rada članova OK kao i vezu sa tehničkim vodstvom seminara u smislu protoka informacija i svođenja završnih ocjena.

Član 10.

U slučaju prigovora i žalbi na rad OK saziva se sastanak OK na kojem, pored članova OK, mora biti prisutan jedan predstavnik organizacionog tijela seminara i jedan član IO ATUS-a BiH.

Sastanku predsjedava Predsjednik OK.

Sve donijete odluke moraju biti predstavljene u pisanom obliku, ovjerene od strane predsjednika OK, predstavnika organizacionog tijela seminara i predstavnika IO ATUS-a BiH.

Usvojeno na zasjedanju Konferencije ATUS-a BiH 17.decembra 2006. godine.